



# ЧАННАЦЛУКУ

«ЗВЕЗДА»

17 июль 2020ш

нюжмар

№ 27 (6712)

12+

Газета буклаккиссар  
1951-ку шинал  
ноябрьдания шинмай

Учредитель: МКУ «Ккуллал муниципал районналул администрация» РД  
МКУ «Администрация Кулинского муниципального района» РД

«Ккуллал район» муниципальный сакиншиннарал  
Ркуллал муниципальный районналул администрациялул х1укму

09.июль 2020 ш. ш. Ваччи, № 71

**Ккуллал муниципальный районналул аьрщарай кьадагья дихьлахьисса цаппара ишру чан баврия.**

1994 -ку шинал декабрьданул 21-ннийсса Федеральный законналийн № 68-ФЗ «О защите населения и территорий от чрезвычайных ситуаций природного и технического характера» бувну, Дагъусттан Республикалий ц1усса коронавирусрал инфекция ппив хьун кьаритаврил ялувсса оперативный штабрал х1укмулийн бувну (2020 шинал июлланул 7-сса, №33-011 заседаниялул протокол), Дагъусттан Республикалул Роспотребнадзорданул IV маслихат х1исавравун лавсун, Ккуллал районналий вания тиннай ц1усса коронавирусрал инфекция (COVID-19) ппив хьун кьаритаву мурадрай

**Ккуллал муниципальный районналул администрациялул х1укму буллалиссар:**

1. 2020-ку шинал июлланул 13 тихунмай Ккуллал муниципальный районналий зузи буван:

школалийн занан бувасса оьрч1ал дуккавилл организациярду ва ялун ххи дурсса дуккаву дуллалисса организациярду (ч1явучишисса мероприятиярду кьадувавриштал ва дежурный хьхьувайсса группарду кьазузи бувавриштал), COVID-19 дусса-дакьасса к1ул бан зузалтрай лабораториялул ххал бигьаву давриштал ва дурсса ххал бигьавурттал ч1ала т1и бувмур территориялийсса Роспотребнадзорданул органнайн ххал даву, комиссиялул ххал диргьукун объектирттал санитарно-противоэпидемиологический тагьар:

Т1ирт1усса ларзурдалусса кафедрду (лавкьусса кьатравусса лич1аннин) ягарда столлу кунния кув 1,5 метралул манзилланий бишинсса клану бухьурча, санитарно-противоэпидемиологический т1алавшиннарду дурурчун, зузалт маскарду ларххун бушиву, ч1ун - ч1умуй дезинфекция дуллаи бушиву, зазалтрал тагьарххал диргьусса результат Роспотребнадзорданул территориальный органнайн диян дурну махь.

Дуки-х1ач1ия кьадаххайсса цайми кьай-кьуй даххайсса машлул 800 кв.м. дияннинсса лагрулийсса ттучанну, цавунгу к1ич1ирава гивунсса цамургу ххуллу бусса, мукунма цаймигу машлул объектру, миннувух к1ич1ирттавусса базарду, агарда санитарно-противоэпидемиологический т1алавшиннарду дурурчлай бухьурча.

2. Щурущи буван мизитру ва ихтияр дулун дин-чак дувайсса инсантурахьхьун динналул организациярдавун занан санитарно-противоэпидемиологический т1алавшиннарду дурурччуну, маскардугу ларххуну, дезинфекциярдугу дуллаи, кунная кув архшиврул арардугу дурурчлай, 4 квадратный метрлий ца инсан акьа кьахьанай ухьурча.

3. Ихтияр дулун спортивный командарду тренировать хьаняхьаврин кьат1ув гьавалий ва творческий коллективиттан репитиция дуллан COVID-19 лабораториялий ххал диргьуну махь, санитарно-противоэпидемиологический т1алавшиннарду дурурччуну, маскарду ишла дуллаи, кунная кув бурувччуну бац1аврину.

4. Организационно-правовой даврил ва СМИ-раштал дах1аву даврил районналул администрациялул отделланун агьалинан бувч1ин баву дуллан кьадагья дуллалимур дукьан даврил ялув дуллалимунния ва Роспотребнадзорданул т1алавшиннардия, му мурадрай ишла буван ц1акусса сайт ва аккаунт.

5. Ва х1укму бишун муниципальный районналул интернетравусса ц1акусса сайтраву ва районналул «Чаннац1уку» газетрай.

6. Кьамул бувсса х1укмулул биттуршиннарал ялув ац1ан Ккуллал муниципальный районналул бак1чинал заместитель А.Х. Османовтун - Ккуллал муниципальный районналул коронавирусрал инфекция ппив хьун кьаритаврил ялув бац1аврил оперативный штабрал каялувчи.

**Ккуллал муниципальный районналул бак1чи Ш.Р.Рамазанов**

## Ттул Дагъусттан- ттул ххуллурду

Дагъусттан республикалул Х1укуматрал «Мой Дагестан- мои дороги» ххьич1унмур проект, цувгу РД-лул Бак1чи Владимир Васильевлул сипталийну дай дирхьусса, иширайну биттур дуллаи байбив хьунни жула районналий Ккуллал шяраву аутомо биллал ххуллул ремонт буллалаву дайдишаврийну.

Ва проектрал программалийн бувну бакьин буван т1ий бур Дахьхьаев - Гьапуровлул ц1анийсса к1ич1ирттавухьсса (Кьа кьурух ялавайсса) ххуллу. Мунил лахьшиву дур 1300 метра, амьну мунил лагру дур 8100 кв. метра. Ва ххуллул объектрал амьсса багья хьанай бур 2744420 кьуруш. Ххуллу щаллу

бувансса арцу итадакьлай дур республикалул ва кланттул бюджетрава. К1ич1иравухьсса ххуллу щама-ххюл бивчуну, лаян бувну саргьун буван т1ий

бур тендр дурхьусса О О О » Д Е П 2 1 » организациялул.

Суратрай: ххуллу бакьин бувну.



## Кумаг, хьирив кьавбувккунма щаллу буллалисса

*Щица, цукун ва ци шарт1урдий щаллу буван бюхьант1иссар*

**Аьрасатнаву антиковид районсса чаранну ккак лай, кьадагьарду дуллаи байбивхьунния шинмай ххуллурду ласлай бур биз нес лиян кьаритавриву, билаятрал экономика амьну дурурчавриву, махь цайнгу х1исав хьун ну щавщи бивсса.**

**Яла-яла хьунмасса харж буккан буллалисса хьанай бур ах1валланул дара жа бурурчавриву бюджетраву харж дуллалимур, ций ласавугу хьинну бигья хьун дурсса.**

**3 шиная 16 шинайн бианнинсса оьрч1ан цал арх1ал дулаймур.**

Цал арх1ал выплатарду 10 азарда кьуруш дулла лиссар 3 шиная 16 шинайн бианнинсса оьрч1аран, кулпатраву цими оьрч1 ухьурчагу, миннан гьарцан нан дуллалиссар ккаккан дурсса кьаралланийсса арцу. Арцу дулаву дайдир хьуссар 2020-ку шинал июнналия шихуннай.

Миннуя кьадугьайссар налог ва ккалли кьадайссар цайми ах1вал ххуй буванмур итадакьлакьиний.

Аьрза булун быхьайссар октябрьданул 1-ннийнин Госуслуги порталлану вух ч1ин, цува кьалавгуна, мукунма цува пенсионный фондрал отделениялийн, ягу ялапар хьаняхьисса кланттурдайсса МФЦ-лийн лав гуну. Архниява, яний дис танционно нину-ппу аьрза буллалисса ч1умал минная цамур справка ягу документру т1алав кьабу вайссар.

Дагьаймур ласун хьирив буккан бюхьайссар оьрч1ал нитти-буттаца, ягу опекунаца (кьажимнаца), мува ч1умал опекунаца бю хьайссар щаллу буван цал арх1алсса выплатарду ПФР-данул клиентский кьуллугьрайхч1ин (Му ч1умал канихь биклан аьркинссар паспорт ва опекуншиврул документ ва аьрзалуштал увк1ма опекуну ккаккан увну ушиву.

Бюджетрава вай арцу дуллан ккаккан дурну дур

212,2млрд кьуруширттал.

**Гьарца зуруй дуллалисса базарда кьуруш.**

Вай арцу дуллалиссар шанна шинайн бианнинсса оьч1ру бусса кулпатирттан. Кулпатирдаву цима оьрч1 ухьурчагу лич1и бакья гьарца му оьрмулувусса оьрч1ан ккаккан дурсса арцу дулайссар. К1улну биклан майрал 11-нния шихуннай ми арцу дуллаи сар кулпатирттангу цал цалчинма оьрч1 2017-ку шинал арелланул 1-нния шихунай 2019-ку шинал декабрьданул 31-нни увсса ухьурчагу.

Аьрзарду кьамул буваву апрелланул 17-нний дай дирхьуссар ва лахьи лагант1иссар 2020-ку шинал октябрьданул 1-нин. Аьрза булун бюхьайссар архниявагу Госуслуги порталлану вухч1ин, мукунма Пенсионный фондрал «Личный кабинетравухч1ин». Арцу дулайссар зуруй цал 2020-ку шинал апреллануя июнналийн бианнин. Аьрза июнналул 20-нния махь чивчусса бухьурча (Ахир 2-мур лаж.)

Ися Исяев

### Ччаврил ххуллу

Ттул дак I ниву дуссар кьок I	Балайлувусса кьют I шиву
Кьок I ливу буссар балай	Ларкьунни ттун шьялмахьну,
Балайлуву кьют I шиву	Ци бувайссар балайлул
Му кьют I шивугу ина	Мукун пашман увайсса

Кьют I шиву ялун личай	Балайлул кьок I ххаридай
Дурц I ун дуний дак I ччаврил,	Кьок I лил оьрму лахь бай
Дак I гьожу дурккун лагай	Оьрму рязину бачай
Ччаву лярхьний лавмартсса	K I ннал ччаву даркьуний

### Нитти- буттал альпалун

Язиминнал гьаттач I а	Буттал ч I арав к I ялабарз
Хьхьич I ун бак I гу руртуну	Аьзизсса ттула ниттил
Ура кьуману авц I ун	Ттун хханссар ттула нину
Январь зурул ца кьини	Гьалгьа т I ут I исса кунна

K I яла барзгу бьохттулсса	Якьутру бия яру
Гайннуу марц I сса	Сагьну дуний ттул бава
суратру	Дардисанну бур яру
Низам-марц I шиву	K I яла зуруя буруглай
лагмара	

Дуруччару жу гьаттай	Чария бавал яру
	Язухьну бур ттухь ц I ухлай
Уруглай ур ттух бутта	Ккашилну-мякьну урав?
Чарийсса суратрая	Аьвкьу-гьелину урав т I ий?
Ц I ухлайгу ур ттухь бутта	
Цвла був аманатирттая	

Ядав буттай вил т I юва	Бавкьун бурив ужагь
Вил буттахьал був кюру	Ц I уллуну бурив оьрч I ру
Дунут I ий гиву ч I алай	Бия суал ярунниву
Ххирасса буттал ватан	Чарийсса бавал суратрай

Булува лагманан х I урмат	Ниттил аманатру на
Учайва буттай ина ттухь	Ура марц I ну бартбигьлай
Винма зана шайссарча	Душиву ч I алай гайннуву
Ина миннан був х I урмат	Оьрмулул курт I сса мяьна

Учайва ина буттай	Ниттил ч I арав арснал гьат
Яда буттал ватан	Ч I ун дакьа альпалухьхьун
Дуккарча муни кьини	лавгсса
Ч I арав ац I у кьянкьану	Дак I урдиву мачча-гьаннал
	Хьуннасса кьурч I шиву
	кьариртсса

Бував кьужран х I урматру	Духьунссар Аллагьнач I а
Бусав мюрцинахь насих I ат	Алжан -дужагь бу дуниял
Буттал яру бия ц I ухлай	Ухьунссар уссу Ибрагьим
Чарийсса суратрая	Алжаннаву бавач I а

Буттал був аманатру	Вайкссава аманатру
Щаллу буллау ура на	Бувна ттухь нитти-буттал
Миннуву ттун ч I алай дур	Цавагу лях гьан кьабитан
Оьрмулул курт I сса мяьна	Нагу банна х I арчат



# Кумаг, хьирив кьавбувккунма щаллу буллалисса

## Шица, цукун ва ци шарт I урдий щаллу буван бюхьант I иссар

(Дайдихьу I-мур лаж.)

бухьурча цал арх I алсса выплатарду дулайссар щала ч I умуйсса. Выпла тардаягу налогру кьаду гьайссар ва ва цаймигу социальный кумаг булла лисса иширттаву х I исав кьабуллалиссар.

Выплатарду дулунсса цина 5 млн оьрч I ал хьанай бур Ми иширттан бюджетрава харж дуван т I ий дур 74,6 млрд кьуруширттал.

Гьарца зуруй 3 шиная 7 шинайн би яннинсса оьрч I ан дулайсса арцуя.

Кулпат бухьурча гьарцаннан дянивну х I исаврвйсса доход ялапар хьунккуккан дурсса арцуяр чансса, гьарцаннан дагь лагьисса, миннаща бюхьан т I иссар 3 шиная 7 шинайн ияннинсса гьарца оьрч I ан пособия ласлан. Пособиялул кьарал дуссар 50% регион налий ккаккан дурсса оьрч I

ялапар хьун чара бакьа аьркинсса кьаралланул арцул. Билятрай дянивну ми хьанай дур 5500 кьуруш.

Аьрзарду кьамул буллау байбивхьуссар ионналул I нния шихунмай, дистанционно Госуслугирдал портал ланийх I ин, МФЦ-ч I ин ягу соцзащиталул органнайх I ин. Аьрза буллалисса ч I умал муницип I ун справкарду (доход ккаккан дуллалисса справ карду) т I лав кьадулла лиссар. Аькинмур миннал ласайссар цайми ведом ствардая, миннащалсса дах I аву ишла дурну. Ми ххал дигьавугу дувайссар цайнура пала, агарда истец хьурча гьарца оьрч I ансса доход яхьун ккаккан дурмунияр чансса дусса, миннансса выплата найдунува ца шинайсса ккаккан дувайссар.

Кулпатрал дянивсса доход х I исав дуллалисса ч I умал мивун кьадичайссар, даву дакьа ливч I шиврий булайсса

пособие.

Выплатарду дуллау байбивхьуссар ионналул цанния шихунмай, цивппа выплатарду дуллалиссар 2020-ку шинал январьданул I нния шихуннайсса, яний агарда январьданул I нния шихунай кулпатраву ца оьрч I ивк I хьурча 3 шиная 7 шинайн ияннинсса мунал 2020-ку шинал 5 зуруйсса ва ионналийсса арцу х I исаврай 33 азарда кьуруш дагьайссар. Агарда оьрч I ан 3 шин бартлаглай духьурча январдания шинмай бияннинсса мутталуву, му ч I умал мунансса пособия булайссар шанна шин хьусса ч I умую шинмайсса.

Аьрасатнал Минтрудрал дурсса х I исаврвйн бувну 300 азарва кулпатрал оьрч I ру бур миннунсса выплатарду ласлансса.

**Тимур Мусаев**  
(«Дагестанская правдалия»)

# Конституциялул цаппара дахханашиннардива

## Ч I ярусса дахханашивуртту дан т I ий бур ц I удуккан дуллалисса Аьрасатнал Конституциялуву. Миннува агьанмину ч I алай дур укунссагу.

**Масала. Паччах I лугьрал суверенитет ва щалагу территория ц I акьну дуроччаву.** Пикри барча вай мукьурт- тил мяьна хьинну курт I сса дур. Жуйра дазул кьат I агу айрду дуллалиссагу бур, ай, Аьрасатнан цала билятрал лагма бару, дайгузанну дан ччай бур, цайми х I укума- тирттая архаин хьун ччай бур т I ий.

Бигьасса мяьналий бувч I ин барча, инсаннан цала дугьайсса хьунил лагма мух- хал чапар дургьуну хьин- нивкьай, ягу му ризкьилул ккуччу дуллау, дургьумур зия дуллау хьиннив?

Мунищала Аьрасат мудан- гу т I ивт I уссар дак I т I айласа дустуран, амма хьинну хьирив лаллалиссар миннал хияллал, пикри-зикрилул. Мунияту ц I усса Конститу- циялул буржлув буллау бур Аьрасатнач I а дусса аьрщи, цимурца янил жавгьар кунна ядан.

Цамур дахханашиву. Фор- мирование единой системы публичной власти. Власть

рал, гьарцагу щач I ану зун- т I ий ва сакин хьунт I ий бур цинявннан цасса системалул хахливу. (единая система пу- бличной власти). Мунищала Федерациялул субъектирдал лагрулий, ц I акь хьунт I ий дур властьрал жаваблущин, цила бияла цихьва бушиву мукуннасса дак I дац I аву ди- клан т I ий дур кланттул цила каялушиву дай органналгу. Х I укуматрал властьрал ор- ганнаща гьуртту хьун бюхь- ан т I ий бур кланттул цила каялушиву дай органну са- кин давриву, жаваблущса кьуллугьчитал битайни, бу- кьан байни ва м.ц.

Ч I алансса дахханаши в у р т т у хьунт I ий дур власть рал лич I и-лич I исса бут I ра хьхьун цахьхьунна ихтиярду дулавриву. Ц I акь хьунт I ий бур парламентарал, судрал системалул бияла.

Сакин хьунт I ий бур Х I уку- матрал совет, дазу рищун т I ий дур Президентнал Ад- министрациялул буллау аьр- кинсса бигардал. Мунищала Аьрасатнаву дик I ан т I ий дур гуж бусса

Президентнал власть, ци- цагу бюхьлахьисса биляат ц I акьну, шаллуну буруччин, мюхчаншиву, агьалинал ба- гьу-бизу лавай бансса даражалий бачин бан ва м.ц. Инсантал социальныйну буроччаврил масьалартту бачин баву утти инкар бакьа, шайвав -кьашайвав кьат I ий биттур буллау Конституциялул буржлув буллалиссар. Ва хьуннасса кашири халкьуннахьхьун дириллалисса.

Цуксса ххуйну хьунссар, агар Паччах I лугьрал Дума- лул депутатгьтал, Федера- циялул сенатортал, РФ-лул Х I укуматрал члентал, субь- ектирдай каялушиву дай- ми, судьятал, прокурортал, х I укуматрал, муниципал кьуллугьчитал ва цайми- гу жаваблущса зузалт дазул кьат I аллил Х I укума тир- ттал гражданство ду хьурча вай давурттай кьабитлан бивк I укун, анжагь жула х I укуматралсса буллау бивк I укун.

Цаймигу хьинну мюнпатсса кланттурду ч I явури ц I у дурсса Конституциялуву.

Анжагь аьркинну бур гьар- цагу Аьрасатнал гражданин- нан миннуя хавар бик I ан.

**М.Мусалаев**

Буттал к1ану ххирашиврухасса балайрдал конкурс

## «Ина дак1ний бити, хъама мабитав!»

15-ний июлланул Ккуллал районналул хъунмур библиотекалуву ларайсса даражалий т1айла дур ккунни, дуклакки оьрч1ал дянивсса конкурс Патриотический балайлул, бюх ттулсса ххувшаву ларсун 75 шинайн хас дурсса «Ина дак1ний бити, хъама мабитав!» ц1анилу. Ва шад лугъ махъун рутан багъуна коронавирусрал инфекция ппив шаву багъана хъуну.

Буттал к1анттул ц1анийсса Хъунмасса дъявильей балайлул бугълай бивк1ссар агъамсса к1ану, балайлул бутлай бивк1ссар вир ттаврал дак1урдивун шавкъ, балайлушчал най бивк1ссар хъхъичунмай душман ххит уккан уллай.

Аьрасатнал агъалинанл дак1урдиву абадлий дак1ний буссар Буттал к1анттул ц1анийсса Хъунмасса дъяви, цан чирча дуранут1и уттигу хъин хъун тай дъявилул шавурду, бувану т1ий хъама битан Ватан дуручлай бивк1миннал ц1арду, увкуна цила ихтилатраву библио гекалул заведующая Х1ажиабдиева Пат1имат тул. Хъирив, бавт1уминнал хъхъич1 ихтилат бувна библиотекалул зузала Мустафаева Салих1атлул.



Мунилгу цила ихтилатраву

бувсунв совет агъалинан тай дъявилул шиннардий ялапар хъанангу, зунгу, талангу, ххувшаву ласунгу муданмагу кумаг буллай бивк1шиву балайлул.

Конкурсраву гьуртту хъун бувк1ун бия Хъусрациял, Ккуллал, Сумбат1уллал, Вачциял, Ч1айннал, Ц1уй щиял, Вихъуллал, Ц1ушчул лал шяраваллал библио текартал буккултну кка ллисса дуклакки оьрч1ру.

Гьарцагу конкурсраву гьуртту хъанахъиминнал гьунарду ва бюхъурду

лавайсса даражалийсса бия. Миннал ккалай бия дъявилухасса назмурду, увкуна макъанналийсса балайрду.

Бяст-ччаллил х1асиллу дуллаллисса жюрилуву бия:

1. Ч1айннал шяравасса, школалул учительница Ибрагъимова Пахай

2. Районналул магъир лугърал зузала методист Оьмарова Тамара.

Миннал х1асиллайн бувну конкурсраву

1-к1ану буллауна: Ц1уйщиял шяравасса Ханова Мадинан-ванил бюхханну бувккуна дъявилухасса

назму.

2-к1ану буллауна Ч1айннал шяравасса ссурвал Ибрагъимова П. ва Ибрагъимова И. вайннулугу бюхханну бувккуна назмурду увкуна балай.

3-к1ану буллауна Ц1ушчул шяравасса Кунжуева Султанатлун-ванилгу хъинну бюхханну бувккунни назму: «Летела с фронта похоронка» ва увкуна балай «Катюша» Цинявпагу конкурсраву гьуртту хъанахъми хъинну ххуйну х1адур хъуну бия.

Жул корр.



Жулла аьдатру

## Дак1нин дирчунни хъхъич1арасса аьдатру

Лялич1ину кьурахсса шин кьуну най дур гъашинусса шин. Баласса корона вирусрал инфекциялул инжит баву кьагъану, дагъусттаннал агълу, ч1аруми зунттал районну, кьурагъшиврухлу дуч1айсса бак1лахъилиягу

мах1рун бунни. Щархъа вусса агъалигу буттахъал заманнайсса, хъхъи ч1арасса аьдатру сукку дувну бивк1унни, гьарал лач1аву ч1а т1ий. Мукусса цач1ун бавт1ун хъхъахъхартту бичлачаву

дуллайсса видеорду дия Хъусрациял, Ккуллал, Сумбат1уллал, Къяннал шяраваллава.

Уттигъанну, Ч1айннал магъирлулгърал кьатлул зузала Алхасова Салих1ат

лулгу бавт1ун бия шяравусса агъалигу, микку бия, динналия хавар бусса Сут1аева Пат1имат, шко лалул дуклакки оьрч1ру. Бусалдарайн бувну, хъхъахъхари шахълахъисса к1унк1ур бизан аьркинссар т1ар кич1ирттал шан бач1улий, мукун к1унк1ур бивзун, к1юрххила ц1у ххурххур т1уг1и дуру на, лавгун архсса гьаттарал улклийн, бувна ссиллукъ, ссиллукърая кьаца бувну, дваь дурккуна динналул вакил Сут1аева Пат1и матлул, Аллагънайн лабизаву дуруна.. Ла илагъа, илла, лагъ увкуна. Мюрши оьрч1айх дарч1уна щинни-п1инни, яла шяравух лавгуна сси ллукъул кьащущал, гьарал ч1а т1ий, дут1лай бия мукун бувсса ссиллукъул кьащуйн щинну. Жува учарухха, цал кьабаярча, цал байссар, Аллагънангу инсантурал леххаву.

Мунинмакунма, ч1ал дакъа щинах мякъсса лухччинийнгу ххуйсса рах1матру бувна.

Учин ччисса вари Ч1айннал магъирлулгърал кьатлул зузала Алхасова Салих1ат,

цила даву устарну дачин дурсса бур. Хъхъахъхари бичлачини мунил ишла дурна магъирлулгърал кьатлуву цич1ара мюрттай ларххун ядуллаллисса кьама пас байсса аьму, ххукут1и к1урч1лу, хъхъич1арасса оьртурдив, т1аннул кьусри, к1ургулттив. Хъинну ххуйну шахъан бувну хъхъахъхари бавч1уна миккун му кьини бавт1усса шяраваллил агъалинайх.

Т1аанну бия чулу дик1ухун шавхъусса хъхъахъхари букан, миву дакъассарагу дакъая: лач1а, лух1и хъюру, шагънал хъюру, х1ажлул лач1а, х1айваннул кькъан бувсса маз. Хъун х1аля укун хъхъич1арасса дукра кьадуркун т1ий бавт1уми барчаллагърай бия! Хъиннува рязину ливч1уна цинявпа, хъирив кьини рах1матру байхту!

Буттал буттахъая нанисса, тяхъасса агъали цач1унмай буллаллисса аьдатру ядаву, мугу ца ххуйшиву дур.

А. Аьбдуллаев



Редакциялул адрес  
368390, Республика Дагестан  
Ккуллал район, ш.Ваччи

Издательнал адрес:  
Республика Дагестан  
Ккуллал район, ш.Ваччи

Газета регистрировать бувсар  
Республикалийсса связьрал, инфор  
мационный технологиялул ва ч1яву  
чинсса коммуникациялул Феде  
ральный кьуллугърал Управления  
лул 26 мартрал 2019ш. Регист  
рациялул номер ПИ№ТУ5-00404

Хъунама  
редактор  
А.И. Къянчиев

Газета бавт1уссар «Чаннац1уку»  
газетрал редакциялул компьютердай,  
бившуссар ГАУРД «Издательский дом  
«ДАГЕСТАН». Типографиялул адрес:  
367018. Мах1ачкъала, пр.  
Насрутдинова 61,

Буккайссар нюзмардий цал,  
12+ Индекс: 51317  
тираж 650 экз. Газета итабакъин  
кьулбас дайсса ч1ун 17. 00,  
кьулбас дурсса ч1ун 16. 00

gazetazvezda@mail.ru

